

Bie izoi jenoka bie rafue meine ñue finua uai ite

De esta manera este trabajo
vuelve a estar bien

Hipólito Candre (HC)

Hipólito Candre, Cordillera, junio 29, 1992

- Nii mei ua meine ua ñue rafuena itino,
ñue meine finoda joonega. HC
- Mei rafue ua jinoñede, ua rafue ienide,
rafue ua raana eroiñede. HC
- Ie iadi ba eikomemona rafue mei ñuera,
eiringomona rafue mei ñuera. HC
- Ie mei uruiái rafuena mei nai onoñede, ie
jira jaka ua finidena eroide. HC
- Meita daama ba abina onodimie,
afemiemona mei figura, afengomona mei
bie figura. HC
- Jaka mei ua daiita eroikana raa komuide. HC
- Bene ua ikirafuena ite, bene ua
tainofuena ite, ie kigimo rafue ñue
joonega. HC
- ¿Minika mei rafuena iya?, mei rafuena
ite ua farekatofe, rafuena ite rozidoro,
dunaji, jakaiji, refiji, jifirai, mazakari, nii
eiño rafue, eiño komeki ifue. HC
- Ie ñue jooneia mei ja komuide, ie mei HC

ñue jooneñenia mei komuiñede.

Fui mei ua ¿minika nia yote?, nii mei
yoyena komuitate.

HC

Meita aki dino nai uruiái onoiñede, nai
uruiái: fia ua bie nibai ua jifanua, daide.

HC

Meita eiringomona mei uafue,
eikomemona uafue, iedo uruiái fui
onoite, ringoza onosite, biedo jae eiño kai
komuitate, biedo mooma kai kaadote,
daide.

HC

Nii mei rafuena ite ñue ua meine abido
jooña uai.

HC

Nana mei ua daaruido rafue ñue ua
joobiñede, fña joobite, fña ñuezite.

HC

Meita jiaima ifue ite, oni ba jiaimie ifue
jaka ite.

HC

Ie mei ua danomo atida ñue joonega,
ifuena ja fui ua yoyifuena mei ua ite.

HC

Kai ¿minikado mei komuidikai?, ñuefue,
daide.

HC

Ie jira afengo uruiái komuiya eroikano
eiringo ñue ua joonekana atide.

HC

¿Buu mei kaiñi daii ñue jooneite?, jabe ua
kaiñi rafue ñue fñoite, ua eikome biteita,
eiringo biteita mei kai okuiri, daide.

HC

Nii birui kaimo mei eikomona birui kai
iya, birui eiringona mameide kai irai fue
ingo ite.

HC

Ie jira mei ñue ja kai afe guita kaimare ja
komuidikai, kaimare inidikai.

HC

Abina onokano kai jaaiya rafue.

HC

¿Ñie izoi mei afeno ua rafue ñuera daina
mei kai onoimo komuide, ie mei ñuera
uai, ñuera rafue?, daidikai, jiaimie ie
uaiñede.

HC

Ie jira bie izoikano iya eroikano
komedikueita ua abi kue zooferi
daiñanona, komedikueita ua taino uaido

HC

kue uriri dainanona.

Ie jira aki dinomona ja ua raana finokano uite, raana jenokano uite.

HC

Nii ua kai ua iyano, nii kai ua mairie, ñuefue jenokano uite, baikano uite, monaitakano uite.

HC

Ie yezika mei ua ñue kai komeki eroide, ñue kai ifoki uurite.

HC

Jae mei einamaki ua finokana atika ñuefue, guiyafue, birui mei kaimo inede.

HC

Inena jira mei jenoka.

HC

Meita inede dainide, ite, daide, ite.

HC

Rafue daii nii raa ua ieredeita ñeiri, rafue ienide.

HC

Daama ua kaimare o finoiadi nia mei ua yeraki kaimarede, daama ñue jiibie o beeiadi naimere dutio.

HC

Nii afeki komekido mei rafue jenoka, nia mei baiga meine abido, daide.

HC

Jae ua afeno aki daii einamaki yote iadi mei ua kai jamairuiga, ua bie raa kai daiinena ikoi mei figo afenona ononedikai.

HC

Onoinena jira mei aki daii fia ua birui uaina mei ite.

HC

Ie izoikano mei bie birui dano jae kai komuiya rafuemo komeki ua fakadikai, komekido meinotikai.

HC

Ia abina be nia mei rafuena ite, juzitofe nii iya, jiibina nii iya, yeraki nii ite ua; mei ba iteita, jino jazikimo iteita mei jazikimoita kai daiiri.

HC

Mei kai ua kaana ua raa ua jika ite dainide, nano kai ua onoimo ite.

HC

Ie jira aki dinomona mei abido meinoga ja dano kaimo komuite, daide, ja kaimo dano ua ñuera raana monaite.

HC

Ie yezika mei iko bie izoikano jae ite einamaki uai, einamaki komeki iko bie izoikano ja uuriteita afemakimo mei ite.	HC
Birui kaimo iñede mei jenoñedikai, ie jira komo ua afeno dano ñue joonekano uitikai.	HC
Meita afeno ñuefuemo duuide, rairafuemo duuiñede, ikirafuemo duuiñede.	HC
Nia afeno dano ñue rafue ua joobite, ñue ua afenomo ja ua daiizaina izoi ua jiibina uai mei aki daii uriya, ñona uai aki daii uriya, farekatofe uai aki daii uriya.	HC
Ie jira mei jae ua fia uaina ite, ie mei birui ja mei ua ja ua kai ua jenoyino iñede, ite.	HC
Akie izoikano jae einamaki jiibie dute, uhuride, uhuride, ikoimo ua raana ja monaide.	HC
Akie izoikano jae ua einamaki jenode, jenode, ja ua baina ua ebirede.	HC
Mei nii ua kai iyanona, nii kai komuiya ua raana, uafuena ite, ñuefuena ite, afenori yikifuena iñede, afenori irafuena iñede, urifuena iñede, mei ñuera uai jenode, komuiyena, moonaiyena.	HC
Ie yezika mei ua uabe uriya, uaki uriya, ua ua moo komeki uriya, eiño komeki uriya ua bene ite, ua naimeki bene ite, ua fareka bene ite.	HC
Ie jira kai ñue ua abido dano jae kai iya izoi eroikano ite uai mei jikadikai momo, eiñomo.	HC